

Universitätsbibliothek Paderborn

**Sortes, Qvibvs, Ne Temere Cadant, Temperandis; Vel, Si
Temere Dvcvntvr, Castigandis, Divini Ivdicii Æqvitas
Semper Adest**

Stengel, Georg

Ingolstadii, 1645

§. 11. Iniurijs ipsis vindictam de cælo postulantibus, Deum vindicem habere illum, qui, exemplo Sidonij Apollinaris, vindicta[m] nullam expetit.

[urn:nbn:de:hbz:466:1-52306](#)

neque ad diuinum tribunal fratrem citauit,
cum ab eo crudelissimè innocens trucidare-
tur; non tacuit tamen sanguis eius, qui ad ^{Gen. 10.}
Deum de terra clamauit. Neque enim ver-
ba tantùm, sed etiam facta ad Deum cla-
mant; longèque potentiùs clamant, ac vin-
dictam postulan̄t. Neque dubium est, à vi-
uis & mortuis, viuōs oppressores eorū, an-
te diuinum tribunal, etiam sine voce, accu-
sari; neque raro etiam, ad causam, coram
supremo, disceptādā citari, iniurijs ip-
sis exigentibus vindictam.

§. XI.

Initijs ipsis vindictam de cælo postulantibus;
Deum vindicem habere illum, qui, ex-
emplo Sidonij Apollinaris, vindi-
citam nullam expetit.

Cui rei confirmandæ luculentus est testis **S. Greg.**
D. Gregorius Turonensis, qui hanc histo-
riā recitat. Aruernensis Episcopus, cui no-
men Sidonius Apollinaris, æquè sanctus ac
eruditus, moribus & artibus præstans, vt
coronas in cælo multiplicaret, virtutis mer-
cedem, in terris, accepit tribulationes. Ne-
cessē enim est, vt virtutem oderint vitio-
rum amatores; quam ne cogantur ample-
cti, impugnant atque repellunt. Quam ob-
caus.

Turon.
l. 2. hist.
Franc. e.
23. & Bz.
ronius

An. 486.

caussam, Sidonius quoque duos nactus est
sacerdotes disciplina indigentes, quorum

Sap. 2. 12. quotidianus sermo erat: *Circumueniamus
iustum, quoniam inutilis est nobis, & contra-
rius est operibus nostris, & improperat nobis pec-
cata legis, & diffamat in nos peccata disciplina
nostra.* Quid non efficiunt duo conspirato-
res? immo quid Orcus, per illos non efficit?
Duo erant, sed tribus Furijs agitabantur.
Nam & moniti vindictam spirabant; & ca-
stigationem metuentes conabantur amo-
liri correctorem; & denique ambitione in-
flammati, locum sperabant, si sedem vacu-
am fecissent. Hinc conuenticula, hinc cō-
ciliabula, hinc denique vis aperta, qua vi-
rum innocentissimum & magistratu dignis-
simum, omni sacra potestate priuatum ad
vltima redegerunt. Siquidem vix tantum
cibi præbuerunt afflito, ut vitam sustenta-
re posset, & vixisse mallet, quam viuere.
Sidonius, tamen, et si graibus malis irrita-
tus, & caussæ æquitate fultus, iniuriam
laudabilius tolerari, quam propulsari ra-
tus, quasi non sentiret, aut, tanquam si
meruisset, ita patienter omnia tulit. Ita-
que non expostulare, non implorare ami-
cos, non circumspicere patronos, non cer-
tare

tare foro , non recuperare amissam dignitatem voluit ; sed omnia Deo commisit iudicijsq; diuinis , sine quibus Mundus non gubernatur. Felix, quisquis hoc facere nūit ; nec enim magnam duntaxat is animo suo conciliat tranquillitatem ; sed etiam, quia se ipsum non vindicat , Deum vindicem parat. Quid & Sidonio euenit. Conuenerat inter improbos duos sacerdotes, vt die altera ; Episcopum è templo extractum eliminarent ; idque vnius eorum audacior , ac sine fronte homo palam ei ministari non est veritus. Et fecisset, ni diuina manus præuenisset insanientem. Tota no[n]te, futuram sequentis lucis scenam secum meditatus , vix expectare potuit solem orientem. Neque expectauit ; nam , ante diluculum , secus atq; aliás assueuerat , è plurimis exiliens ad facinus se aptabat. Verū priusquam domo exiret, sellas antē petiit Patroclianas, & comitabatur euntē puer cum lucerna. Ibi dum moratur diutiūs, mittit coniuratus alter , facinoris tam iniqui socius, & significari iubet, tempus esse exequendi , cuius heri consilium cepissent: nihil obstatuli apparere , properaret modò. Ventum est ad puerum iam diu , cum cereo usque

que

que ad impatientiā & Diras, præstolantem.
Is ergo herum moniturus (cum pulsanti ni-
hil responsum intus esset) ianuām tandem
referat, & reperit miserūm vñā & aluum, &
vitam exonerauisse. Tali loco, mori dignus
erat, qui Episcopūm loco mouit. Episcopus
igitur, Dēo cāuſsam ipsius agente, in offici-
um repositus est. Non diu tamen postea
vehementiūs ægrotans iussit se in templum
deportari. Ibi mœſtūs eum populus inter-
rogauit, quisnam esset successurus, in offi-
cio pastoris? cui ille, *Ecce, inquit, frater*
meus Aprunculus viuit, & hic pastoris munus
occupabit. Hoc responsum, quia non capie-
bant, mente iam alienata, prolatum exi-
stimabant, sed paulo post, vaticinium fui-
se, intellexerunt. Quippe Sidoniō è viuis
subducto; alter ille sacerdos persecutor, ni-
hil miserabili exitū commilitonis sui per-
territus, velut optatissima occasione obla-
ta, cui diu fuerat insidiatus, gauiſus, tri-
umphum egit, tiarāmque capiti suo rapere
est conatus. Nec quidquam certius futurum
existimauit, quām vt ipſe succederet. Eni-
muerò id iam ei familiares gratulabantur;
id de eo, in vulgus spargebant; id ipſe quo-
que (tam stolida est superborum credulitas)

amis-

amicioribus suis dictitabat, neque iam pro arcano habebat; sed ausus est etiam perquā glorianter iactare: Nunc demum, diuino iudicio, patere, cuius cauſa iustior extiterit, suāne, an Sidonij; aut cui, à Deo, pedum Pontificale sit destinatum. Deniq; ita egit; ac si Antistēs iam eſſet, nec quidquam omisit, quod eam in rem illi posset feruire. Quare proximo quoque, à Sidonij morte, Dominico die, dapes magnificas apparuit; ad quas ciuitatis primates adhibuit. O cæcas hominum mentes! & futurorum imprudidas! quām ſæpe exitio proximi exultant, & funus ſuum ipſi ducunt ouantes? Designatum Præſulem ad mensam accubuisse putatis? Balthassar accubuit, appensus in ſtatera, & in- Dan. §.
uentus minus habens. Sedebat ſuo quifque 27.
ordine; ſtabant in ferculis alites; & cibi nō ad palatum modò, ſed etiam ad oculum facti; iam gliscebant colloquia; iam ſitis vinū poſtulabat. Ante omnes, vt par erat, futuro Episcopo pocillator ſcyphum præbuit; quem ille manu ſuſtiñens meditatur, in cuius sanitatem eſſet propinandus. Nunquam mors malis opportuna venit; ſed; inter conuiua & epulas, longè im-

M porz

portunissima. Itaque non iam mitræ, sed Libitinæ candidatus, dum poculum tollit, dum ei nomen imponit, sentit repente, quām verè dictum fit; multa inter calicem & suprema labra cädere: nam & ille ipse cecidit, & priùs è Letheo, quām suo, pocalo bilit. Siquidem iam iam vinum probaturus, subita formidine, cohorruit, expalluit, & vitro de manu cadente, funis fuit. Noluit postea sic propinanti quisquā respondere. Hæc omnia, ita uti contigerunt, pridie pocillatori per somnium obiecta narrat Gregorius Turonensis. Quis non videat iniuriæ patientissimi Sidonij vindicem fuisse Deum? ad quem, Sidonio tacente, vel iniuria Sidonij satis clare appellauit; quæ iniuriosorum vnum quidem præmisit, alterum verò, post Præfulis mortem, ad iudicium traxit; ut manifestum fieret, Deum ante, & post obitum, suorum iniurias vlcisci.

§. XII.

Exemplo Nantini, multos, etiam non citatos, in hac vita, ad tribunal tamen Dei, vel à mortuis citari.

Sed Sidonius tacens ultorem Deum inventit, innumeri, qui in vita quidem tacent, post